

*Furcile* (85) locus; *Capua, Tium, Sora*, & medius *Castaldatus Aberuntinus*, qua parte conjunctim est cum *Latiniano*, & *Compsa*. Inter *Beneventum* & *Capuam* sit finis ad *Sanctum Angelum ad Cerros*, & perexiens per *Serram Montis-Virginis*, usque ad locum, qui dicitur *Fenestella*. Inter *Beneventum*, & *Salernum* sit finis ad locum, qui dicitur ad *Pellegrinos*, ubi est ex utraque parte XX. miliaria. Inter *Beneventum*, & *Consam* sit finis idipsum *Stafilum ad Frequentum*, ubi & antiquo XX. miliaria sunt per partes.

## CAP. LXX.

Dum talia Princeps *Radelchis* unâ cum suis Proceribus audissent, mirati sunt valde, atque inter se exinde invicem nimirum colloquebantur, asserentes. *Quis talia ausus esset & promere, & perficere, sicut Toto perfecit?* Statim per scriptam paginam, *Siconolfo*, *Guidonico* mittunt nuntiando. Dum paginam quidam ex eis legisset, nimirum & ipsi valde sunt mirati, & exinde statuerunt, quatenus ante obtutum *Ludovici Regis* talia firmarent, & ipse *Guido* mille solidos jam dictos tollens unâ cum suo Cognato, populum *Beneventanum* deferunt, & ad propria redeunt. Atque plurima dona *Guidoni* suo Cognato *Siconulfus* denique dedit, & sic nempe ad invicem sunt sequestrati.

## CAP. LXXI.

Ab illo denique tempore *Salernitani* peculiarem obtinent Principatum; & ipsum fœderis scriptum in hac *Salernitana* urbe adhuc hætenus manet, & sufficienter ab illustrissimis viris nimirum firmatum. Et tantum nomina illorum non prætermittam. In primis *Radelchisi* Princeps propria manu scriptus inibi erat. Id ipsum *Majelpoto*, *Rofrit*, *Bernardus*, *Toto*, *Johannes*, *Tassilo*, *Guala*, *Dauseri*, *Matenolfus*, *Poto*, *Petrus*, *Cardelaitu*, *Gualteri*, *Ermengardus*, *Adelchisi*, *Tassilo*, *Roderici*, *Johannes*, *Aricchisi*, *Adechisi*, *Auderi* (86) *Episcopo*, *Adelpertus*, *Guaiferi Comes*, *Rodoalt*, *Radelgari*, *Radesrit*, *Azzo*, *Adelricus*, *Adelberto*, *Saducltus*, *Landemari*, *Pandenolfo*, *Ingebrandus*.

## CAP. LXXII.

Dum talia patrata fuissent, mox *Radelchisi* Princeps *Beneventanus* *Totonem* vocavit, & ei ad obtinendum Castellum cum suis Optimatibus, sicuti eum exoraverat, tradidit. Atque dona ei demum promittebat, & ab omnibus sæpius nimirum collaudabatur; & merito, quia vix à multis hominibus per multos dies sperari non potuissent, quæ mox à viro sagacissimo sunt nimirum completa.

Hac denique tempestate *Amalfitani* nimirum *Principi Siconolfo*, & *Salernitanis* omnimodo obediebant; & is ad instar sui germani plurima illis prædia condonavit; & illi, ut diximus, fideliter nimirum obtemperabant, licet in sua urbe habitare, quemadmodum soliti erant, volebant. At *Salernitani*, quanti ex his remanserunt, eos ab hac urbe, licet non

fuissent cum illis, qui mœnia antiqua, *Ecclesiasque* cremaverant, ac denudaverant, foras expellunt, habitandique locum eis in veteri dant. *Amalfiam* denique ad habitandum ire minime audebant, quia jam omnimodo minime ab illis recipiebantur. Et, ut ferunt, in veteri habitaverunt, usque in tempus *Principis Guaiferii*. A tempore prædicti *Guaiferii* ad hanc urbem ad habitandum revertuntur propter *Agarenorum* metum.

## CAP. LXXIII.

Denique libet *Amalfitanorum* originem, partim, prout à majoribus nostris mihi relatum est, partimque ut à veteranis illorum libenter audiui, necnon in authenticis *Libris* nomina *Judicum*, *Comitumque* reperi scripta, annectere huic *Historiæ*: quia hætenus cunctis mansit incognitum, ex qua provincia orti, cujusve fuissent generis, & ordinis, seu officii, & quorum *Regum Imperatorumve* temporibus dimicassent; nec antecessorum nostrorum industria perquirere jure fecit, nec ulli sagaci ratione notum est. Ego verò, & veluti avidus indagator, quotquot ex regionibus viros comperi, indefinenter perquirere curavi, ut si apud eos aliquid de gestis triumphisque prædictorum *Amalfitanorum* scripta contingerent, vel apud notos & cognitos forte reperire potuissent, fideli ratione nostræ ignaviæ rescriptum traderent. Sicque factum est, ut hæc, quæ subter annectimus, nostræ notitiæ pro prædictorum *Amalfitanorum* origine sint cognita & ostensa.

## CAP. LXXIV.

Tempore quo *Constantinus Imperator Romanorum Regni* moderabat habenas, & primi civitatis ejus consilio, & fortitudine summa pollerent, dum sui Regni gubernacula prædictus Imperator moderatissime gubernaret, atque ei prodigia magna Dominus nimirum ostenderet: per inspirationem divinam propriam civitatem linquens, cum uxore, & natis, & suis proceribus, cunctisque Optimatibus, necnon & militibus *Constantinopolim* venit, atque ipsi civitati nomen dedit: nimirum quæ antea fuit à Bizante quodam Rege *Bizantia* appellata. *Romam* quippe *Beatorum Petri & Pauli* juris reliquit. Dum verò unusquisque nimis fatageret, qualiter cum suis quippe opibus *Constantinopolim* properaret: factum est, ut multæ naves oneratæ fulcantes æquora illuc gradere festinarent. Sed dum simul alternatim deambularent, pervenerunt in *Scavorum* fines; moxque procella cunctarum exorta est, mareque vehementer intumuit; & dum diu fluctuaret, duæ ex iisdem navibus sine hominum interitu naufragatæ sunt. Sed dum eorum scilicet res deperissent ibidem, nec sumtum haberent, quatenus naves fractas foldarent, hinc incolas loci illius exorant, ut ibidem ad habitandum cum eis locum nimirum darent. Illi verò talia audientes hujusmodi verba promiserunt: & terram ad habitandum vobis præbemus, & sumtum vobis vestrisque uxoribus abundanter tribuemus. Vocaturque nomen loci illius nimirum *Ragusa*.  
Ha-

autem loci *Episcopus* fuerit hic *Auderi*, mihi incompertum est.

(85) Peregrinus habet *Furculum*, & *Furculis*.

(86) Peregrinus legit *Advim. Epo.* Scilicet brevium verbum minime animadvertit. Cujus